

38 starfað við skólann tuttugu ár eða lengur, en eru hættir kennslustörfum við skólann
8. marz og eru svo efnalitlir, að sjóðstjórnin álitur þá styrks þurfandi, án þess þó að þeir séu á sveitarframfæri.

6. gr.

Umsóknir um styrk úr sjóðnum ber að senda formanni sjóðstjórnar í byrjun desembermánaðar og fer úthlutun styrksins fram hinn 14. desember ár hvert, þegar um styrkúthlutun er að ræða.

Lágmark veitts styrks sé 300 — þrjú hundruð — krónur á ári og skal styrk þegi, sem einu sinni hefur hlotið styrk úr sjóðnum, ganga, að óbreyttum fjárhags-ástandum hans, fyrir öðrum, er sækja um styrk úr sjóðnum.

7. gr.

Þegar höfuðstóll sjóðsins er orðinn 100000 — eitt hundrað þúsund — krónur eða meira, skal sjóðstjórnin verja nokkrum hluta af ársvöxtum hans til þess að styrkja námsmey, eina eða fleiri, er lokið hafa fullnaðarprófi við Kvennaskólann í Reykjavík með dugnaði, til framhaldsnáms erlendis, náms, er sjóðstjórnin telur þarft og álitur umsækjanda hafa góða hæfileika til. Þær námsmeyjar ganga fyrir um styrk, er líklegastar teljast til þess að starfa við skólann að afloknu framhaldsnámi.

8. gr.

Komi það fyrir eitthvert ár, að ekki sé veittur neinn styrkur úr sjóðnum eða eigi svo hár styrkur, sem heimilað er í 4. gr., skulu vextir þeir, sem ekki var úthlutað, lagðir við höfuðstólinn.

9. gr.

Leggist Kvennaskólinn í Reykjavík niður um skemmri eða lengri tíma, skal sjóðurinn hverfa í vörzlu kennslumálaráðuneytisins og skal það ávaxta hann, samkvæmt 3. gr., þangað til skólinn tekur aftur til starfa eða annar hliðstæður kvennaskóli í Reykjavík, er veitir ungum stúlkum kennslu til munns og handa, álíka eða meiri en hinn núverandi kvennaskóli gerir og gilda þá ákvæði skipulagsskrár þessarar um stjórn og meðferð sjóðsins og styrkveitingar úr honum.

10. gr.

Leita skal staðfestingar forseta Íslands á skipulagsskrá þessari.

39 Staðfesting forsetans á skipulagsskrá fyrir „Minningarsjóð Gunnlaugs Þorsteins-
8. marz sonar læknis“, útgefin á venjulegan hátt að mandatum af dómsmálaráðherra 8. marz 1949.

SKIPULAGSSKRÁ

fyrir Minningarsjóð Gunnlaugs Þorsteinssonar læknis.

1. gr.

Sjóðurinn heitir Minningarsjóður Gunnlaugs Þorsteinssonar læknis.

2. gr.

Sjóðurinn er myndaður af framlagi Jóns Þorsteinssonar fulltrúa, bróður Gunnlaugs sáluga, og nokkurra borgara í Þingeyrarlæknishéraði. Sjóðurinn er að upphæð kr. 12164.90.

3. gr.

Tilgangur sjóðsins er að efla og auka söngmennt í Þingeyrarlæknishéraði, t. d. með því að fá hæfa söngkennara við og við, til leiðbeiningar söngfélaga í héraðinu eða á annan hátt, eftir því sem stjórn sjóðsins telur tilganginum bezt náð á hverjum tíma.

39

8. marz

4. gr.

Sjóðurinn tekur til starfa þegar hann er orðinn 20000 — tuttugu þúsund — krónur. Þangað til ávaxtast hann og eflist af öllum vöxtum hans, gjöfum og fjárfélagssamkomum.

5. gr.

Eftir að sjóðurinn er orðinn kr. 20000.00 (sjá 4. gr.) má verja $\frac{3}{4}$ af vöxtum hans samkvæmt 3. gr. Sjóðurinn ávaxtast í Sparisjóði Þingeyrarhrepps eða á öðrum tryggum stað.

6. gr.

Stjórn sjóðsins skipa héraðslæknirinn í Þingeyrarhéraði, og er hann formaður, þjónandi prestar innan læknishéraðsins og organisti í Þingeyrarkirkju.

7. gr.

Reikningsár sjóðsins er almanaksárið. Endurskoðendur skulu vera oddviti Þingeyrarhrepps og endurskoðandi hreppsreikninga sama hrepps.

8. gr.

Eftir að stofnendur hafa tjáð sig samþykka skipulagsskrá þessari, skal leita staðfestingar á henni af forseta Íslands, og hún síðan birt í B-deild Stjórnartíðindanna.

Í umboði sjóðstofnenda.

Þingeyri, 10. febrúar 1949.

Þorst. Björnsson. Ang. Arngrímsson.

Staðfesting forsetans á skipulagsskrá fyrir „Minningarsjóð Matthildar Þorkeldsdóttur fyrrum ljósmóður á Hellissandi“, útgefin á venjulegan hátt að mandatum af dómsmálaráðherra 8. marz 1949.

40

8. marz

Skipulagsskráin er þannig:

SKIPULAGSSKRÁ

Minningarsjóðs Matthildar Þorkeldsdóttur fyrrum ljósmóður á Hellissandi.

1. gr.

Sjóðurinn heitir „Minningarsjóður Matthildar Þorkeldsdóttur ljósmóður“, og er stofnaður af Kvenfélagi Hellissands á 100 ára afmæli Matthildar, 8. marz 1948.

2. gr.

Tilgangur sjóðsins er að styrkja byggingu sjúkrahúss eða annars hjúkrunarheimilis á Hellissandi.

3. gr.

Sjóðinn skal efla með minningargjöfum og sölu minningarspjalda.